





明人尺牘選卷第二

常熟王元勳

休寧程化駱

文徵明

與郡守肅齋王公

夫聲聞過情○君子所恥○有損無益○賢者不為○今大巡郭公欲為某建立坊表○出於常格○區區淺薄○豈所宜蒙○深有不○自安者○自惟潦倒○儒生塵伏里門○又以衰病蹇劣○不能廁踪士大夫之間○故孳孳退縮○非以是為高也○今以為賢於他人○郡士夫誰為不肖○且某在今諸士夫中○名位最微○人品最下○行能才智○最為凡劣○一旦以為賢



而拔出其上冒然居之豈非君子所深耻某雖不敢自托於君子然亦安肯醜然無恥甘於小人之歸哉惟是憲府崇嚴無由控訴欲望明公轉達此情得賜寢罷寔至幸也况今歲歎民窮賦無從出一有興作不無動擾此亦明公所宜軫念者且某世居此里自祖父父牀已來世叨薄宦里中父老每為贊喜然於其人寔未嘗有毫髮蔭庇萬一舉事則匠作夫役勞頓寔多夫不能覆庇而反至勞頓豈當時贊喜意哉彼雖自受其役而區區以一身標表之故坐視其勞亦何能安然不為之意哉徒費財力而又使人不安正所謂無益而有損竊為

與唐六如

明公不取也區區此請在於必得若以為非出至誠姑為是退托以邀冒時譽則重得罪於左右矣然而不敢避也病蕭不前無緣躬叩鈴階謹勒手狀令兒子俯伏以請臨紙不勝頓望之至

與王中丞

閱畫冊二十幀悉仿唐宋諸家作也或秀麗或蕭疎各極其致真畫苑之集大成者予愛慕之切不忍釋手昔米顛袖中有奇石孰若此中丘壑令人卧游不盡也

乃里切音律華草感號



事○厭○難○折○衝○良○亦○勞○止○此○聞○江○臯○撤○警○幕○府○燕○開○台○候  
萬○福○徵○明○犬○馬○之○齒○八○十○有○四○容○髮○衰○變○日○益○頽○墮○待  
盡○林○間○無○足○道○者○

復河南憲司

崔銑

諸○公○欲○立○後○渠○書○院○理○負○郭○官○田○俾○寒○戶○為○業○僕○自○王  
父○以○來○皆○沾○一○命○家○於○相○者○七○十○餘○襮○先○人○所○遺○屋○不  
華○可○以○容○膝○田○不○饒○可○以○餬○口○僕○又○早○失○偶○子○孫○能○自  
食○其○力○自○費○一○飯○一○蔬○一○褐○一○葛○所○玩○止○易○論○語○亭○下  
脩○竹○數○竿○又○愛○古○人○好○生○非○祭○不○宰○殺○此○外○皆○長○物○也  
自○知○福○薄○分○足○敢○固○以○辭○頭○諸○公○擴○此○心○更○加○惠○於○疲  
民○寒○士○則○愚○老○式○同○大○慶○



與郝温泉

楊慎

使者遠來。尊翰猥及。益以兼金。獎借既過。禮文兩隆。欲俾荒謫之辭。廁之賢書之首。長者之命。其何敢辭。然竊自思之。有不可者。執事羞庖人之獨割。引尸祝以自助。而弗諒弓旌非虞人之招。敝帚豈千金之享也。况身之將隱。文之焉用。而草野之言。忌諱罔識。脫有片辭。獲戾。又以上累執事。則走之罪益重矣。是以敢吐露丹忱。竭盡素抱。以聞於記室。尚祈高明曲炤。汪度優容。不必以方命督過。而以下情見恕也。不然。敢惜研削之勤。以負知己哉。

走 猶僕也



與張丈

年來萬慮灰冷。唯文字結習未忘。頗以此自累。招罪用是。勇念書壁云。老境病磨難親筆硯。神前發願不作詩文。自今以始。朝粥一盃。夕燈一盞。作在家僧行。迺所持者。龐公空諸所有四字而已。

與劉重慶繪

束髮以還。頗厭進取。幸茲荒戍。瑟居得以息黠。補刑自惟。千鈞之弩。一發不鵠。則可永收矣。故無寧效昔人放於酒。放於賞物。且又有仗境生情。詩或托物起興。如崔延伯每臨陣。則召田僧超為壯士歌。宋子京脩史使麗豎。難椽燭。吳元中起草。令遠山磨隄。糜是或一道也。豈能執鞭。古人聊以耗壯心。遣餘年。所謂老顛欲裂風景者。良亦有之。不知我者不可聞此言。知我者不可不聞此言。



與晉溪王先生

霍韜

先生一代奇傑。今之人未足言伍也。小試三邊。聊為之  
地。雖然全陝沃野。周以王秦。以伯漢唐。四三百年基業  
也。外嚴武備。內勸農桑。尋秦漢富饒。故迹而脩焉。漸復  
西周之舊。惟先生茲行。是賴尚留意。



與林希元

奏已行。追之無及。亦不必追。欽州非用武之地。尊相無封侯之骨。恕有後悔。

張岳



與皇甫子循

許宗魯

不才歸田以來。放達自居。比跡嗣宗。參侶謝鯤。惟求晦  
廢。奚惜指。誚竊意。樗櫟苟全。冀以長年。何知郊畿小警。  
遂塵簡書。騏驥之選。旁及豕鹿。奔赴皇皇。復蒙譴罰。竟  
膺一秩。奉衛陵園。揆之初心。大不類矣。勉事冠裳。整頓  
舊態。老嫗再醮。新婦是師。良可醜也。



答劉致卿

胡侍

僕○禠○紱○歲○久○兮○同○死○灰○新○貴○之○人○多○非○舊○識○蓬○蔭○戚○施  
 之○態○心○復○惡○之○是○以○一○值○未○同○輒○意○緒○落○落○不○能○巧○發  
 寒○溫○語○直○拙○之○性○卒○難○移○奪○故○能○閉○戶○忍○貧○歎○詣○炎○路  
 間○有○枉○訪○亦○不○逢○迎○匪○敢○自○詭○高○尚○以○附○掃○軌○鑿○坏○之  
 賢○直○不○受○俗○眼○相○白○耳○足○下○於○僕○既○闕○盍○簪○之○歡○又○隔  
 雲○泥○之○迹○而○神○交○千○里○辭○竭○兩○端○曠○覽○超○然○驪○黃○是○略  
 破○觥○越○俗○汲○世○憐○才○篤○逾○久○要○情○存○莫○逆○在○古○賢○已○難  
 有○胡○今○之○人○而○能○然○乎○無○以○勉○副○大○雅○仰○酬○高○誼○致○足  
 愧○也



寄舒子

王廷陳

辱書教以矜飾名行。意甚勤懇。僕惟少負性氣。自視無  
 前。遭事直往。不知其可復見。近世州郡之吏。務為諂承。  
 故於逢迎節數。稍為損減。不意遂犯當世之怒。又以一  
 二宰執。奮怒於僕。內外搆扇。中僕惟恐不深耳。曩時交  
 游。見僕狠忤。要津。虞禍及已。莫敢張口伸舌。一為論列。  
 明其不然者。當是時也。吏無振滯之議。友無急難之仁。  
 幽於園牆之中。日與徒隸為伍。身非木石。其何以堪。以  
 故俛首震惕。卒從文比。嗟乎。百犬吠聲。積羽折輪。十夫  
 撓椎。三人成虎。此墨翟有素絲之悲。阮籍有窮途之哭。



也○身○愧○蛾○眉○敢○云○見○姪○行○垂○完○璧○而○欲○免○於○瑕○摘○也○難○  
矣○然○猶○苟○全○要○領○生○還○鄉○縣○奉○二○親○之○晨○昏○上○先○世○之○  
丘○墓○撫○今○悼○往○憂○喜○駢○集○因○念○河○清○難○俟○人○事○靡○常○南○  
山○之○歌○憾○長○夜○之○莫○旦○竹○林○之○侶○假○麴○蘖○以○舒○悰○斯○達○  
生○所○以○放○言○幽○人○因○之○長○往○者○也○而○執○事○乃○欲○責○煖○於○  
寒○灰○俟○完○於○墮○甌○幾○翔○於○鍛○羽○望○僕○以○回○景○曜○之○未○照○  
而○收○桑○榆○之○晚○績○也○無○乃○與○僕○之○私○指○繆○乎○夫○秦○鹿○頰○  
纓○志○在○豐○草○羈○鳥○奮○翹○棲○慕○一○枝○即○有○惡○殺○之○國○過○仁○  
之○主○腴○餉○之○廝○寵○之○以○高○軒○享○之○以○玉○饌○娛○之○以○雕○檻○  
啗○之○以○粢○脯○彼○且○駭○顧○驚○鳴○奔○逸○之○惟○遠○耳○僕○聞○古○之○

聖○賢○心○有○所○鬱○結○不○能○通○其○意○則○著○一○家○之○言○思○垂○不○  
朽○僕○隨○欲○效○之○用○舒○憤○懣○庶○幾○償○前○辱○之○萬○一○流○文○彩○  
於○無○窮○然○才○劣○左○馬○而○欲○自○附○於○作○者○畫○虎○之○誚○其○能○  
免○乎○方○將○脩○農○圃○之○業○給○公○家○之○輸○賴○其○羨○餘○以○贍○妻○  
子○長○為○太○平○之○民○雖○至○老○死○不○親○兵○革○志○願○畢○矣○風○便○  
再○錫○教○旨○

### 寄余子

春○仲○晤○令○兄○恙○子○幾○死○奇○禍○得○失○夢○幻○無○足○芥○蒂○更○計○  
子○首○夏○經○黃○必○得○駢○展○譎○浪○信○次○布○歡○臨○江○逢○侶○獨○往○  
微○吟○數○而○不○數○今○晨○書○來○乃○知○仙○舟○徑○泊○鄂○渚○矣○念○我○



歛歛移時涕泗交下。豈緣偃蹇感慨易生。誠以二三良  
 知。星處莫覲。僕已繫鞵。子復塌翼。過此不晤。世路風塵。  
 怒再覩無由耳。僕林居無營。每引曲自適。上不慕古。下  
 不肖俗。為踈為懶。不敢為狂。為拙為愚。不敢為惡。高竹  
 林之賢。而醜其放懷。三閭之忠。而過其沈智。鷓鴣之逝  
 而汚其富。每景物會意。輒命酒自歌。酒不盡量。歌不盡  
 調。倦則偃卧。臥不為夢。厭苦俗徒。寧獨無與。復究心老  
 莊。保愛性命。此僕林居大畧也。子亦欲聞之耶。惠來諸  
 篇。詞翰鉅麗。把玩未釋。二詩稱答。更希報章。

與柯分巡

顏木

奉面諭中丞公。慕興志。誤欲召木充筆研之役。連朝貽  
 愕。神魂如失。十數年來。躬親稽事。書史文學。塵積蛛網。  
 重以體貌山野。禮數迂踈。少加約束。則心煩性悞。輒至  
 流汗。譬之林藪放逸之物。一旦羈絆籠絡之。將有性命  
 之憂。非但不食不飲而已。伏望明公俯垂仁惻。善為我  
 辭。

貽延知切音  
夷舉目  
 貌又丑  
 切谷去声  
 又驚貌



示兒迪知

凌約言

山巨源掌銓。勸稽牀夜入仕。至貽書絕交。我反低頭向  
雲中客。乞一官耶。迹有暴鯁之困。雖綴行春仗。與少年  
作隊。已自覩顏。更以顏色媚人。萬狀可醜。浮世功名。縱  
到白頭。亦何佳趣。豈若漆園吏。逍遙閑散。以自適耶。汝  
書來勸弗再往。深合我意。



與申瑤泉

徐階

年來老病增劇。不能出門。迺值淫雨為災。田疇淪沒。老  
 幼號哭。聲徹幽棲。強起乘小舟。至近郊。則平原十里。巨  
 浸渺然。豈麥秧苗無一存者。時見破屋敗竈。出沒波間。  
 饑殍殘骸。縱橫其側。不勝淒斷。拚目奔還。若以公之仁  
 慈。睹之。將有怵心傷神。嗚咽涕泗。慘於覽監門之圖。痛  
 於觀地獄之變相者。僭擬一籌。千之政府。自來災傷。蠲  
 免。皆只就存留中。減免分數。而吳中存留甚少。無救於  
 災。故每次恩澤。特虛文耳。此在往時。尚為無補。况今大  
 災耶。百萬士民。咸仰望朝廷。破格蠲除。於以救未死之



民為國家留億萬年供輸之地三公雖同以天下為任  
康濟為心然公於其間寔多鄉邦之誼憶公拜相時吳  
中士民皆舉手稱慶若已與有則所以舒聖明南顧  
之懷下憐父老子弟垂涕之道而副其翹跂之勤非公  
今日事耶

與馮丈

徐獻忠

頻年作事皆出乘興未嘗量度時力用是多致狼狽然  
已列貧籍無可脫身矣尚幸貧自氣習不復知苦屋後  
開荒漸成菜畦接果餽鶴時有佳况野蔬淡粥神怡氣  
清不知為窮人也異日老兄功成便用此作樣子時復  
往來結社鮫勝相遺幅巾逍遙存問鄉曲與野老談水  
旱習農桑雖有他樂何以加此不知老兄胸中果曾着  
此念否

與吳之仲

足下高蹤曠度遂復遠謝人群正馳宵慕何意忽來春



鳥鳴於谷中。流雲宿於榻下。久無俗點。况復虛懷。春韭  
方萌。槽聲亦沸。客到即醉。醉即熟夢。足下舍此主人。雖  
十日醒亦無益也。

與楊子乘

別後甚馳想。乃足下過期不來。知湖山有剩緣也。向來  
僕亦麤遣。貧加於舊。樂亦過之。近入吳興山中。經月方  
歸。金山之麓。發一泉。玉色照映。甘冽勝常水。計已津津  
出流。下注廣畝。金山多雲氣。業已名白雲泉矣。安得足  
下過我。同賞樂之。

與王道思叅政

陸粲

不共談對十餘年矣。兄高蹈海濱。韜養冲邃。文章行業。  
當世所共尊仰。甚盛甚盛。粲性資猥下。方少壯時。其志  
所欲為者無窮。而竊懶玩愒。弗自強勉。今顛毛種種。百  
無一成。雖耽悅文史。未渝故習。然精力已大耗減。每展  
卷有得。亦復欣然會意。不數日。旋即遺忘。或操弄鉛槧。  
有所述作。他時更取讀之。乃如啖水酪了無適口之味。  
田光有言。驥之老也。駑馬先之。况本非驥乎。固知古人  
惜盛年之難再。圖美業之早成。良有以也。交游中如永  
之文升。皆少粲八歲。已奄忽化為異物。粲之衰劣。能久



存耶去冬不幸先母棄背方忍死勉襄大事今春已遣  
嫁妾侍以家務委之兒息後此倘未即填溝壑當卜築  
先塋之旁不復與人世相聞矣子元兄行布此別楮所  
求尤冀留意幸甚

與尹崇基太史

頃欽子辰工部傳道兄相念至情世務方殷非豪傑之  
才孰與匡拯區區衰朽昏塞兀若楹株假令得乘一障  
亦無以效其尺寸矣兄知我者何復云云聞雙江輩數  
君子相繼召用甚慰然祭嘗聞龔遂之治渤海也言於  
朝曰請丞相御史無拘臣以文法得一切便宜從事虞

詡為朝歌亦告其郡將曰兵不厭權願寬假轡策勿令  
有所拘闕而已今之用人者能若此庶幾諸公有展布  
之地不然吾懼其難為也野人間肉食之憂大非所宜  
獨私於兄發此無令不相知者聞之恐重增口語耳

與羅狀元達夫

祭往歲赴官永新於舟次獲遂瞻承忽忽且二十年矣  
公道德聞望為海內學士所宗仰自少有知識猶願承  
緒論而祭惰慵因循不及時以竿牘自通左右獨嚮往  
之志則未之敢忘也自惟資性闇劣心氣粗浮雖窺竊  
陳編微有管穴之見然望道遠遠竟亦自崖而反又弗



能親就高賢與相切磋乃今白首無成恒自傷悼恐一  
旦溘然便同糞壤蓋仲尼恥五十無聞屈子亦悲老至  
而修名不立蔡每念及此汗未嘗不發背沾衣也頃復  
遭先母棄背銜哀苦土苟存視息屬石磐公令子行因  
輒寓狀少布區區愴况不次

與岳厚夫

自己丑臨清之別濶焉不聞問者殆將十年歸田以來  
益與世睽隔海內故人如吾兄不獲一握手憾憾如何  
遙聞守官曲沃猶慷慨疏論邊事丈夫經世之志不以  
崇庫改易正復爾耳僕鄙人也自惟迂踈之資不適世

庫音宰也  
布眉切

用甘守一壑無復他望近者不幸為匪人所薦深用愧  
憤追惟往日與兄冒死進言幸而聖心頓悟國論稍回  
此正世道開泰之會而斯人者忍倡邪說以壞之使檢  
邪更進重為善類之禍其罪上通於天矣雖其後來或  
一二能立異同然不過怙寵爭進之私寧有忠信廉潔  
之實乎藉令有萬一亦所謂舍簞食豆羹之義耳何足  
道哉世之君子以其小者信其大者更稱為賢僕嘗惡  
聞若說乃今復欲以腥臊之餘污辱貞士如僕死即死  
耳官以是區區者易吾初心耶每中夜耿耿思一吐露  
於同志頃嘗以告華兄不知能達諸左右否也因便聊



布所懷

明人尺牘卷二

與楊樹山

唐順之

執事豪傑士也。忘身許國，不回不撓，使世間脂韋泆忍，  
全軀保祿之士，聞風縮頸。執事之志則然，而才足濟之。  
自丹陽奉晤，令人歎羨不已。然覺慷慨激發之氣太勝，  
而含蓄沈澁之力或不及焉。夫直前太銳，近於用壯，取  
必太過，近於浚恒。在易固有戒矣。惟幾也能通天下之  
志，惟深也能成天下之務。自古欲成務而或債焉者，未  
必盡是庸人。或豪傑與有責焉耳。僕少頗負意氣，屏廢  
以來，槁形灰心之餘，化為繞梁馬。以此自量，乃欲以  
此比量豪傑，知必見笑。然以敬慕執事之至也，不敢不



盡其愚

謝歐陽巡撫

明公負康濟之碩材。當東南之重寄。振恤瘡痍。如春風所扇。不間於陰谷寒門。搜拔滯幽。如藥籠所儲。無間於牛溲馬渤。如其者卑。不自立少嘗薄遊。已甘屏跡於山林。豈敢更求夫聞達。且誦習徒知。泥古儕輩。多謂之鄙儒。而器局難與適時。明公誤以為國士。收於衆棄。揚彼玉庭。况自来無門館賓客之交。豈所取在牝牡驪黃之外。夫不采而佩。雖幽蘭亦捐。苟有因而前。則朽株為用。遂得再塵金馬之署。更聯羽翼之班。自揣既為不堪衆

謂何。以至此。惟天下欽明公之端直。知其嘖笑。不以假人。惟當宁信明公之激揚。謂其顧盼。必能得士。偶因拔茹。及此彙征。雖荐人常恐其知。在明公絕不以言於口。而受恩思所以報。在鄙人則竊有愧於心。惟當勉策愚蒙。益精學問。其或馳驅於世。庶以罄葵藿之心。縱使委棄於時。亦願堅溝壑之素。務期礪頑鈍之器。庶不貽冰鑑之羞而已。敢因來惠。敬布腹心。伏惟俯賜覽觀。庶以知鄙志之所存焉耳。

上南渠李相公

某向時備負詞林。獲承清教。自相公大拜。竊與田夫野



老同其慶喜。而不敢通一書於門下者。分不以瀆政府也。雖相公大度。不責禮於山林懶散之人。而廊廟掄才。乃借譽於樗櫟朽腐之士。遂奉明恩。復齒衣冠。自知迂劣。何以致此。忝竊忝竊。願其衰絰終。哀魂未返。藥囊常御。病骨轉銷。槁木形骸。豈堪鞭策。惟相公舊愛。幸辱教之。

與董後峯憲副

野人一入仕途。百般悔吝。禪家所謂猢猻入布袋。真可一笑也。塞上風塵寒。侵病骨。遠憶姊夫坐享園池之樂。何如何如。不久亦當圖解纜脫鎖之計。蓋樓築室栽花。種樹。布滿園中。雖不能與東隣爭勝。亦與公各適其適。而時相遇。從也。興言。已覺神馳。行至居庸。小价回。草草附此。不盡。



辰州與田叔禾

陳束

僕入楚來。即有辰沅之役。數數偶旅。所不可為具。陳居

北地。日久。竭至南中。暑濕之鄉。體大不佳。家人各各嬰

疾。妻子癯然羸苦。鄉園之情。見此不能無動。海內同志

亦有昆陵唐子。或言其抱疴。食不能暫甘。便欲掛冠躡

屐。相依荆水之上。此中倘有富人。可以貸債買僮。逐什

一之息。量粟牧鷄豕。庶幾足母妻饘糜之養。遨遊名山

沒齒無憾。比得友人李中谿書云。江南富人。祇敬官人

罷。則無所於貸。誠然。誠然。眉睫之間。何情不爾。又望之

賈豎乎。就令餓餒當荷。揄把甕茹溪澗之毛。歡無營之

弋者切音  
偶與行

貌又曲躬

竭于記切音  
不成遂急  
庚也



水尚一澆。恫惚積懷。貧非為病。黔婁原憲。彼亦何人。倘得與此輩同歸耳。首秋計遣人疏闕下。天網三驅。何禽不遂。區區之忱。先已自喜。見說執事。亦有斯度。故以相告。人心不同。未敢告之。他衆引姍笑也。

寄屠漸山

屏棄以來。久不欲通。問貴游。每懷足下。疇曩之誼。擬作一書。輒以猶豫。數日。何者。形迹既舛。情素殊別。恐冒周友浚恒之戒。將蒙谷風棄子之慚。是以搦管操觚。隨又捐棄。亦冀遙付。愚心。知其非謬也。錢黃門入楚。伏承惠書。悽悽詞文。蒸續情致。頗萬陳昔時燕樂之踪。歎數子

飄零之迹。奉讀周旋。祇增惋憾耳。方今龍軒側席。鶴禁繼明。寓內訢訢。衿帶之士。揚鬢仰沫。足下秉高世之志。體絕人之才。抗迹紫宮。策竒青漢。英聲茂實。為士品規。夫順風而彈雲和之絲。乘埤而建辰旒之節。不待明知。而見聞廣矣。幸甚幸甚。僕不佞才質。純繆無所比數。以因緣階筭。得侍內廷。終非其人。果遭罷斥。邇來湖上也。三見朱明矣。五十為壽。僕行年已過大半。數時以來。疾疢所苦。神明不舍。形氣支離。以手約圍腰腹。率計一月。小一二分矣。人命難保。富貴何期。親故不量。往往以說詞相慰。蓋孝標懷舊。則絕交之論。廣張敏恤窮。而頭責

魚斤切  
訢音銀恭  
謹說



之文作此皆不達義命遠於情寔者也夫十圍之材文  
 以為梁棟其斷在於溝中同畝之稷上而饗神而其餘  
 委於雁鷺非其材質不同所遇之時命異也故曰安時  
 安命超圓之乘知彰知微保命之幾足下乃取徵於合  
 劍論竒於効璞來書之云信不由衷乎僕早歲束髮頗  
 有弘志中年踴蹙竟戾微情君子見幾不如舍去不然  
 則匹夫效志炳耀丹青况僕為專命之使猶得參下犬  
 夫之列如使吾道遂廢斯文在茲足下視僕豈後於常  
 人哉家世貧素不事作業糠豆之奉雖不常飽母性高  
 明生能容介子之隱妻賢女也死不沒黔婁之行色矣  
 哉金門何期石室能待高軒無分名山可藏句章之曲  
 倘容適志乎謹題尺疏使人北叩明主因告足下拜述  
 前忱負疾未平力論不悉



遺二子

孫陞

京邸交游。本費酬應。兄弟同為美官。又世家之子。較常  
 數倍。泛追逐。則勞尔神形。守簡避。則鼓人胥舌。故應世  
 家難。量已量人。處之有道士立身。務名節忠義。立朝務  
 正直。忠厚。毋忘先烈。毋墮家聲。迺我子也。汝曹勿念我  
 我宦情既淡。乃又兩子立朝。我嘗依慈水山廬。曰父母  
 在此。將安適。今其意豈二也。



與嚴介溪閣老

趙貞吉

頃京中友識書至。備述相公有拔處不肖之意。誠如覆  
 瓿者之德也。夫物芸芸而欲報造物者之功。則亦大徑  
 庭矣。故僕於門下。久不知所為謝。以此也。然靜自量度。  
 已踰涯分矣。若猶不知足。後必狼戾。何則。人之才如木  
 也。為楹為杙。其質已定。匠氏雖巧。不能易楹杙而用之  
 矣。今僕杙之類也。屢荷工師之顧。若此。似欲庶幾移杙  
 而楹之耶。夫杙而楹之。必并失其可以杙者。此僕之恐  
 恐焉。欲邀福於門下。願我相公。今以後。勿復以不肖為  
 念也。勿復謂僕之杙。庶幾可以為楹也。如此。則始終成



全之矣。况木之生而不得其用者，何限。杙之與楹，相去無幾，又已同受梓扁之斲，復何望哉。此僕欲自求寡過，以報大賢長者知遇之恩，復不禁其言之流肆矣。臨風嚮遡，不盡依依。

答黃巡撫

往歲暮夜，篝燈得聞緒論，實慰平生仰服之意。別後，人自東南來，皆傳門下逢時有頃斯之譽也。不勝愧慙，而心竊喻其故焉。蓋公觀風遠嚆，而留意人倫，既不得其魁壘鉅人，而與之談，則雖淺俚膚末之士，亦當採摘，汲而不遺。庶幾成其廣與大也。亦猶匠氏之房，良醫之

囊，兼收並畜歟。乃近又奉華札，令作陸宣公祠堂記。夫宣公者，千載前之魁壘鉅人，而僕之淺俚膚末，相去不知幾千倍矣。安能述其遺事，且能為之重也乎。譬之村野之人，令之談都會之事，布褐之機，責其織錦繡之文，其不至於皇惑無序，而鋪張不倫者，尠矣。然相違往復，將近萬里，恐門下寔欲得之，則湯為辭讓，亦勞驛騎奔馳，而有妨於盛舉之落成，則其罪勝於不辭讓者多矣。故敢舉案不休，以副來命，亦自謂盡心也。若其不工，則才之不逮耳。惟塗抹而改教之，勿遽以為罪焉。望望。



答教祭酒

王維楨

適奉翰札。若以僕妄持觚稜。益務不可下之節者。僕非敢若此也。僕猶夫故我耳。顧於南中不宜。且南中亦不宜於吾。以故人取其近似者。以為名曰伉。屬守高也。且僕慙直朴。略受性已定。猶僕之貌。脩幹廣額。昂首掀眉。揭膺濶步。皆造化陶冶。不可移易。古之挾仙術者。能脫人骨。不能易人貌。今公責僕。勿高勿卑。擇中而居之。亦嘗有以里婦之效顰。聞於公者乎。僕即死不顧也。



與太守勸除酒禁

劉繪

伏惟君侯英達和華萬節解應握符連城化行黃澤政  
未期月威動千里令之若風烈禁之儼霜凝雖子產豫  
賈之革西門投巫之化未足踰也近以民風不淳漸入  
奢靡游徒嗜酒喪其本業且致酤德日聞鬪殺為奸使  
俗尚淫瀆科令汜濫為害殷矣臺下悼風化之澆穢閭  
農賈之失緒迺下令禁市人不得賣酒欲開黎氓彼昏  
之志崇君子令德之懿使舖糟吸醕者復醒倒冠卧甕  
者知悔蓋至美之政也以故廬井肅然爭捲旌帘壚無  
遺樽巷之行榼不惟攘除酒禍且令百姓省錢寡費各



思其職里中士人雖久不相見無問新識故好揖遜顧  
 笑一語而退禮接森森交際恬澹如登太皞之世可謂  
 遐哉迓淳矣但於不肖輩則甚有不便者焉不肖才遜  
 孔群陋同畢卓既不能山濤之八斗復不堪陸納之二  
 升誠未足與議酒也但年方強仕自墮丘壑每讀王無  
 功五斗先生傳大夸物外高蹤朗吟杜子美八仙飲酒  
 歌歌義杯中佳趣或逐童冠之風咏而寄興壺觴或追  
 父老之杖履而情味酒鄉敢擬玉山之頽不惜金貂之  
 解將謂偷閑以學少非敢崇飲而生禍也今適酒禁方  
 嚴則牙籌土暗玉椀塵封肅侶歌童潛踪於曲巷燕姬

蜀女不見於當鑪於是門無方來之用坐乏不速之客  
 好事懸車絕屐齒於苔階稚子候門取飛虫於蛛戶使  
 僕輩持蟹螯而發生事之歎對蘭菊而切佳人之懷固  
 君侯之所宜動心也夫食馬賜卮秦軍有赴難之義持  
 觴迴酒陰鏗有獲報之仁倘君侯納僕之言以除酒禁  
 不徒陶情適性且以成禮合歡仍使卓氏整鑪黃公開  
 肆逍遙三市六街共醉一石五斗霜天雪夜變寒為溫  
 遷客離人轉憂為樂散春聲於大地飄酒旗以麗天茲  
 非太平盛事耶



答董涇陽中允

茅坤

使來得兄手書且憐僕免官之後復繼之兵革之窘當  
 不得肆情山水間以附古之巖壑者流何其憂且愛之  
 勤也然僕於此亦竊稍知自持矣被放以來山中獨卧  
 既與世不相聞牀第間惟奕一局古今墳典及百家莊  
 老之言數十卷間對局及刮地破圍兩家勝敗處則爽  
 然自適也讀傳記至莊生馬蹄諸篇則陶然喜或屈原  
 卜居賈生鵬賦則又潛然悽以涕未始不即彼之所以  
 得而乎此之所以失也山中無他賓客間有携金買文  
 者至既不能卻又不敢私則呼兒囊之入市沽酒擊鮮



與之醉而淋漓宴嬉當其放歌山鳥欲和而林花半飛  
隣家之父且笑且朝而莫予知也兄其謂我為得乎為  
失乎以此言之吾雖進不能附兄輩翱翔四方退不及  
如古巖壑之士披綠蓑釣五湖然而干戈之世一畝之  
宮猶可以藉豐草而唼且哦也其情與志未始推以類  
也兄何必於僕為嗚咽蹇蹇之辭而相為憤且弔乎僕  
願兄努力明時共金馬承明之士相頡頏至於山中之  
課無他指陳如左所言而已或有故知憐問者亦煩  
兄出此讀之如何不盡所欲言

復丹徒邑諭唐白野

解官南還承不手書嗚咽嗟咨若將弔不肖之奪官而  
又憐非其罪者雖然公讀古今傳記當上下數千年矣  
其間可悲可哢可憤可涕之事不知其幾金焦之下大  
江之許得無猶有漁父鼓枻歌而過者乎歸來山中左  
手持南華右手持碁局醉則援筆賦文章稍稍淋漓宴  
嬉以恣其立壑之思或自一道也幸公姑置之

與何吉陽司寇

姪與子壻輩還頗道公通家之誼一切飲食而訓携之  
又辱公憐僕年來蹤跡之濶欲召之間走都亭上共為  
握手論襟嗟乎金陵道中僕舊所附公宦遊處也僕雖



林卧已久。然朝廷宮闕之舊。牛首燕磯之勝。與曩之附公川賦而壑吟。未嘗不在夢思間。况克齊方厓。象岡濯溪。諸名公鉅人。並僕師友中。最為知己者。今共翺翔。卿貳。縮帶合蹤。非歐陽公所自謂洛陽一時之盛者乎。僕以間。以野服籜冠。几席其間。亦甚懽也。顧深思之。僕既以罪廢。譬之伏蟄之蟲也。當不得露處而風吟矣。昔人所謂入山而山愈深。入林而林愈密。此則吾屬之所以混濁於雉兔之穴。嘯歌於薜蘿之叢。以待年之衰而髮之白。烏而已。公得無平生故舊之思乎。臨楮及此。不覺惘然。雖然。公不久當召還中朝。僕自分此生當與公即為長別。終欲擬跨一驢。凌秋而過。暫與公一為長夜之談可也。適新昌呂友來。偶遇錢塘道中。特附一言。少伸鄙情。不盡不盡。

與萬楓潭中丞

公於同年中。僕所辱知己之愛。最深者也。顧宦跡所嚮。既不及共轍縮珮而游。及罪廢來。僕既遠竄山谷。而公又遍涉閩楚青徐之間。杳不相及。甚矣其可為歎歎也。猶承公數留記憶。時時得從相人者。問訊起居。稍為遠慰。公極稱相人者術最奇。僕視之。猶多誤也。何者。僕既罪廢。歸來山中。方蓬其頭而垢其面。與樵斧漁緝之老。



相混濁泉壑之間者。旦且暮耳。而彼猶普然指吾之頤。而曰此屬燕頤也。指吾之音。而曰此屬洪鐘也。他日當候封。不然。或取上大夫印綬。彼皆以其所以貌公者。而貌不肖。僕雖與公別且久。其顏色之稿。筋骨之頹。當與曩時不相及。至於頤之燕不燕。音之鐘不鐘。公尚能挂之眉睫。與耳垣。如渠所稱述否乎。僕笑而辭之。及別去。頗窘。顧謂曰。君之山林骨起。其與海蟾者流。蟬蛻塵樊也乎。此或近之。竊恐僕猶然塵樊中人。不能遽遺妻子。辟穀食。以驗彼之相術也。既遠公。不及相與追歡。特據席走筆。令左右一大噉。如何如何。

上申瑤泉閣老

相公好士之名滿天下。天下士喁喁向風。而思附恐後者無他。鳳凰振翮於雲霄。則樊籠之斥鷃。羈紲之鷓鴣。亦為竦翊。而張翅焉。情也。傳曰。聖賢之樂善也。如貧其振滯也。如轉圜。惟相公留意。



答中丞洪芳洲

張居正

鄙人辱公之愛有年矣。頃者因緣際會，驟陟崇階。聖主念甘盤之舊，不棄簪履。元翁垂接引之慈，無遺管削。深惟謏薄，任過其才。夙夜念之，若為稱塞。惟當堅平生硜硜之節，竭一念縷縷之忠。期不愧於名教，不負於知己耳。然切劘之益，寔在同心。將伯助予，幸毋遐棄。熊庶憲旋草草附謝，厚惠概不敢當。謹用納壁，知公素諒其狂直不罪也。

答宗伯董涇陽

僕以謏薄，獲依日月之末光。猥從末階，驟躋三事。束攄



作柱用荷為梁庸愚之人猶將嗤之况高明者碩如翁者乎乃辱不鄙遠賜問賀獎借過情重增其愧至勉僕以作者之事尤不敢當古人以行誼文章兼顯於時者世不多見明興二百餘年名世之輔專門之彥凡幾作矣而一代文章猶未能追蹤古昔乃欲責之於權魯人詎能耶若使以其硜硜小人之守惓惓納誨之心朝夕俟衮職有關時用一縷補之以仰荅隆遇而免於罪戾或庶幾耳冉氏云如其禮樂以俟君子惟翁學綜墳典冠絕等倫海內士孰不望之以為宗主誦之以為軌範今天子誠不欲興禮樂則已如欲稽古禮文之事以潤色鴻業發揮典則舍翁將何之焉願努力自愛弓旌之賁當有日也令即奇才久屈誠有遺珠之嘆茲旋草草附謝辱惠過腆愧不敢當謹領綾絹二事餘壁上別具脩柬統惟鑒原

答少司馬楊二山

比來士習人情漸落晚宋窠臼中有識者雖心憂之而不敢言僕不揣淺陋妄有所陳猥辱高明特垂鑒獎感謝感謝賈生有言使管子而愚人也可使管子而少知治體則豈不為之寒心哉今遇清明之朝當改絃之會而不相與勵翼協力共圖寔事猶欲守故轍驚虛詞



則○是○天○下○之○事○終○無○可○為○之○時○矣○。來○教○謂○自○今○祇○論○事○  
功○以○為○黜○陟○。凡○稱○清○稱○高○談○圓○及○議○論○無○寔○者○。一○切○斥○  
之○不○顧○。旨○哉○言○乎○。

答廣西熊巡撫

往○者○冒○昧○妄○有○所○陳○。誠○激○於○時○弊○。不○得○已○也○。公○不○以○為○  
狂○且○愚○。而○辱○賞○許○之○感○甚○。感○甚○。詩○不○云○乎○。唱○予○和○汝○。僕○  
既○唱○之○矣○。尚○賴○中○外○諸○賢○同○心○共○和○。庶○克○有○濟○。不○然○。將○  
並○鄙○言○亦○屬○之○議○論○矣○。海○賊○據○閩○中○。報○謂○已○盪○盡○。恐○未○  
必○寔○然○。要○之○其○勢○已○敗○。殄○滅○有○期○矣○。

答歐少卿

辱○翰○示○領○恙○。時○屬○休○明○。眾○賢○勵○翼○。方○欲○蒐○遺○佚○於○巖○穴○。○  
以○共○圖○治○理○。况○高○節○雅○望○如○公○者○。可○使○之○淹○留○林○壑○耶○。○  
大○疏○部○已○案○候○。雅○志○終○不○能○遂○。幸○惠○然○。肯○來○。以○慰○鄙○念○。

答陝西王鑑川

關○西○三○獻○捷○音○。斬○馘○逾○百○。寔○數○年○所○僅○見○者○。仗○公○雄○略○。○  
分○陝○得○人○。朝○廷○無○復○西○顧○之○憂○。今○誠○欲○興○文○武○之○業○。豈○  
不○在○擇○任○賢○儁○哉○。功○高○而○賚○薄○。尚○當○有○待○也○。

與楚學憲胡廬山

敝○省○文○宗○。借○重○高○賢○。命○下○之○日○。輿○論○稱○允○。惟○公○遵○養○。已○  
久○。亦○宜○及○時○效○用○。幸○早○戒○行○。以○慰○群○望○。昔○也○倦○翼○知○還○。



今也無心出岫。時行時止。無意必焉可也。

答中丞孫淮海

辱惠佳刺。略讀數種。皆入圓造奧。含菁咀華。且其議論不詭於聖人。向也吾見公之貌而已。今乃得窺其深矣。蘇氏有言。千金之富。卿相之貴。苟非天之所與。求一言之幾乎道。不可得也。公以涉壯之年。早窺道域。天所與也。願勉旃。自愛。歸見令叔。慮吾證以山中所得。何如。恐當遠遜阿戎矣。

答南司徒馬鍾陽

惟公昔在司農。僕忝冑監。以官曹之伊邇。幸得時時瞻儀範。奉清論。蓋傾向者久矣。此者主上留心國計。召公於留京。委以重任。輿情顛顛。方以得人為慶。公乃獨眷念慈闈。浩然長往。既違鄙願。又孤衆心。詢知來使言。太夫人福履倍增。公亦靜攝愈勝。不知承歡之暇。亦嘗以主恩士望為念否乎。僕因緣際會。謬忝重寄。深惟寡昧。無補於時。惟有薦賢一念。庶可以報塞於萬一。而今海內名流。適於當世之用。寔未有踰於公者。此惓惓之愚。所以結注於左右而不能已也。李帥功名著於閩中。既與地方相安。何必又為更置。辱諭俱領。悉矣。

答薊遼總督魏確菴



明人尺牘卷二  
遼左重鎮。正仗雄才。乃西石道公中款懇至。不得已勉從所請。然區區之愚。於交情雖篤。而為地方計。則踈矣。行矣。強食自愛。墨子之突。恐不及黔也。

答應天巡撫海劉峯

三尺法不行於吳久矣。公驟而矯以繩墨。宜其不能堪也。訛言沸騰。聽者惶惑。僕謬忝鈞軸。得與參廟堂之末議。而不能為朝廷獎奉法之臣。摧浮淫之議。有深愧焉。

答藩伯施恒齋

聲容盛而武備衰。議論多而成功少。宋之所以不競也。不圖今日復見此事。僕不度德量力。欲一起而振之。而

力不從心。動見齟齬。如堇懷冰。有難以言控者。唯當鞠躬盡瘁。以達主知而已。其濟與否。誠不可逆觀也。辱華翰。勞問動渠深荷。道誼真愛。

答宗伯高南宇

辱教知東山情切。高駕夷猶。殊失朝野之望。茲溫綉再頒。敦勸愈篤。恐上命不可屢抗。物望不可終孤。區區鄙衷。曾與陸儀制畧言其概。想亦以轉達矣。如僕輩薄劣。不足以致天下賢者。然公平生自負。謂何可終老林壑乎。

答宗伯董幼海



南宮清峻允屬高流以公居之可謂置瓊林於玉案矣  
當聖皇御極之時正名雋彙登之日區區何力之有焉  
華翰歸功深以為愧

答總憲張崕峽

惟公雋才厚蓄又富於春秋不以此時取旂常勒鐘鼎  
乃顧戀庭闈忘在公之義非所望也茲屬休明之會方  
將招遺佚於邁軸寧宜縱鸞鶴於雲林夫疏已屬部覆  
而雅志必不得遂願勉奉簡書以徇國事

答南司成許海嶽

南中士習偷窳久矣往屠公銳意振刷雖若少驟然其  
意未為不善公承其後補苴潤色加以素望先聲自有  
不動而變者事干典制或須題請其餘則皆司成所得  
專者惟在飾躬端範積久以格之耳辱華翰垂問深荷  
雅情別楮云云深合鄙意蓋忠臣雖在遐遠不忘君憊  
倦之義也敬服敬服

答豫所呂相公

伏承華翰知台從巴返仙里仕宦而至將相衣錦而歸  
故鄉古人所羨豈易覲哉數年共事政府荷道誼同心  
之雅以不肖之淺薄所以能竭駑策寒效忠於國家者  
非公其孰能成之功在天下而人不知斯可謂至德也



已矣。別來倏忽改歲。遐想高踪。既深歎挹。追惟夙誼。復  
愴離襟。使旋附候。厚惠不敢當。輒以璧諸使者。統惟鑒  
原。

荅湖廣巡按朱謹吾辭建亭

承示欲為不穀作三詔亭。以彰天眷。垂有永意。甚厚。但  
數年以來。建坊營作。損上儲勞。鄉民日夜念之。寢食弗  
寧。今幸諸務已就。庶幾疲民少得休息。乃無端又興此  
大役。是重困鄉人。益吾不德也。且古之所稱不朽者三。  
若夫恩寵之隆。閭閻之盛。乃流俗之所艷。非不朽之大  
業也。吾平生學在師心。不靳人知。不但一時之毀譽不

關於慮。即萬世之是非。亦所弗計也。况欲侈恩席寵。以  
誇耀流俗乎。張文忠近時所稱賢相。然其聲施於後世  
者。亦不因三詔亭而後顯也。不穀雖不德。然其自許。似  
不在文忠之列。使後世誠有知我者。則所為不朽。固自  
有在。豈藉建亭而後傳乎。露臺百金之費。中人十家之  
產。漢帝猶且惜之。况千金百家之產乎。當此歲饑。民貧  
之時。計一金可活一人。千金當活千人矣。何為舉百家  
之產。千人之命。棄之道傍。為官使往來游憇之所乎。且  
盛衰榮瘁。理之常也。時異勢殊。陵谷遷變。高臺傾曲。池  
平。雖吾宅第。且不能守。何有於亭。數十年後。此不過十



里鋪前一接官亭耳。烏覩所謂三詔者乎。此舉比之建坊表宅尤為無益也。寄書敬修兒達意。府官即檄已行。工作已興亦必罷之。萬望俯諒。

答宗伯董潯陽

賢郎春元至。再辱台翰。詞旨愈溫。意義甚厚。執禮愈下。垂獎愈隆。甚非淺薄所能堪也。捧讀再三。感怍兼抱。兒曹徼時厚幸。並登仕版。而懋修又躡居文孫之首。簞揚糠粃。殊為慙汗。聞之申相公云。翁年踰七袞。鬢髮如漆。精神步履新銳。少年弗逮也。何得天之厚如是哉。願經綸之業。掩於當年。則以付之賢郎。令孫矣。承惠謹領。白。

荅應天巡撫朱東園

存齋老先生以故相家居。近聞中翁再相。意頗不安。願公一慰藉之。至於海崗峯之在吳。其施為雖若過當。而心則出於為民。霜雪之後。少加和煦。人即懷眷。亦不必盡變其法。以徇人也。惟公虛心劑量之。地方幸甚。

上師相徐存齋

恭惟老師台壽。今年始踰七十。比張蒼佐漢之年。甫為強半。視尚父興周之歲。未逮九齡。側聞台候。聰明步履。



強健○蓋天祐國家○留柱石之佐○永奠乾坤○故逸之於煙霞泉石之間○以綏福祉而候天和也○頃不肖以所輯帝鑑圖說進講○至漢明帝幸學養老事○上意欣然慕之○第令今日欲舉行盛朝曠典○憲大老以乞言○則舍吾師將奚之焉○不肖誠不勝慶忭○茲以壽筵宏啟○不得偕諸兄輩稱觴左右○恪具不腆少將微忱○惟宥其褻瀆而垂納焉○幸甚

又

恭惟○弧辰屆節○壽躔增輝○天上神仙身○久留於寰世○山中宰相望○益重於華夸○寔品類所共欣○在愚生而更切○緣羈職務○不獲趨承○謹薦微儀○庸伸慶祝

答廉憲王鳳洲

今歲當賓興○楚人聞見甚陋○誠願得公大雅之作○以為程式○幸適發征麾○趣赴盛會○惟公以鴻漸之儀○困於燕雀○茲當聖作之隆○衆賢彙進○銘太常勒燕然○皆所優為者○外臺執憲○直暫借耳○使旋草草附覆

答董嵩河

僕生平所推轂○保護天下賢士○甚衆○然皆不令人知○昨所聞於左右者○非市德也○蓋欲公知天下○公論未嘗盡泯○而益整任事之心也○乃辱華翰○深用為愧



寄太史吳後菴

念昔與公投分非淺中更離隔可為惋嘆茲當聖明之  
隆方欲招隱遺於邁軸貴束帛於丘園而公以青年雋  
才竟為例格一蹶而不振豈非命哉然人能抑公之官  
職而不能抑公之人品能使其事業不顯於當時不能  
使其文章不傳於後世其所能者則既無可奈何矣其  
所不能者則願公勉焉

再辭巡按召入書院教學

楊繼盛

職以卑賤之官本不足以當師道之重乃蒙憲牌誤取  
書院教兩府生員昨具帖辭不敢直言茲再蒙提取不  
得不直陳其情竊惟召虞人以旌不至將殺之孔子取  
其非召不往庶人召之役則役召之往見則不見先儒  
釋以為往役者庶人之職不往見者士之禮豈非以禮  
義所在不可往且屈乎夫古之虞人庶人猶知守已之  
正職官雖卑賤其志肯甘虞人庶人下哉本院如召之  
以有司之事則固典史職也職敢不以分自處乃拒上  
官之命今召之以教訓生徒則有師道存焉職又安敢



不以禮自守。乃淪於辱身枉道者之為乎。苟謂職卑賤。無可取也。固宜踐踏之不足。不當付以師道之重。如謂庶幾可以充師任。則固賓師之責也。未聞欲延師者。而乃治之以官府勢位之常也。今之師道不立久矣。古之師道則可稽也。或求諸市井。或求諸山林。或求諸草茅田野之間。故雖古之明王。必致敬盡禮。後之霸主。亦知卑禮尊幣。凡以師道尊嚴。不可挾勢位以屈之也。本院有志書院。是志欲行古道者。欲行古道。而乃挾之以勢位。憲牌提取。若僕隸然。一則曰。毋得遲緩。再則曰。毋得遲緩。是以典史召之也。夫既以典史召之。職敢不遵朝。廷之謫命。守典史之官職。而乃為出位之往乎。職赴任以來。其處上官僚友。不敢一毫僭越。今乃若與本院抗者。非敢固傲取罪。蓋位之所在。固不敢踰。而道之所在。亦不可苟。如以牌而取。導牌而往。不惟取知道者之笑。其如師道之不立。何是職之卑賤。不足惜。而師道之不立。則深可惜也。嗚呼。書院盛事也。延師盛舉也。本院負其勢。欲其入而閉之門。卑職守其道。寧喪溝壑。而不顧且憾。此相遇之所以甚殊。而盛事之所以難成也。歟。謹將原禮呈納。伏乞稽諸禮。而恕其狂矜其愚。而不錄其罪。不致縉紳之笑。毋貽同年之羞。職無任悚懼之至。



與友

人生七尺軀。天地委形耳。終隨物盡。奈何以軒冕為長。物也。今日之謫。一笑甘之矣。

與李于鱗

王世貞

不穀遂買舟北矣。美疾蟬綿。終虐君子。招提之訪。竟不能待。天寔為之。謂之何哉。倘回光下燭。願遂伏闕之請。足下雖高枕物外。僕避世墻東。尚得托跡鱗羽。揚抗素懷。如其不然。可訪我於夜臺之側也。興言至此。腸寸斷矣。二章比興之微。非夸父可逐。裁篇咏言。能無關於方寸。業已置不復和。既念吾二人。遂判千古。悲歌可以當哭。幽憤鬱滯。安為留之。胸腹間作磊塊耶。其不佳固耳。玉玦一瓦硯一。以奉君子衣几之御。玦訣也。硯見也。既以為訣。終願相見。



與王舜華

仲蔚書來云。足下必欲壯游。得非曩者陵陽之璞。未遭楚法耶。長安貴人。齟齬我輩。詩書之禁。等於刼殺。足下蛾眉便娟。何以歲人。睚眦間哉。青齊風物。亦不甚惡。足下如杖策而來。脫粟對飯。揚榘風雅。粗畢舊懷。然後奉一歛段。使奚奴御而之。太岳之顛。登天門。觀日出。亦大奇也。足下果有意乎。

答朱貞吉

僕慕道而未有指授。畏筆硯如讐。而未能盡。卻知酒之害生。而時一中之兒。子輩失意於真我。無涉而不能盡置之度外。何老人之多拗也。匡叔道迂。草此附報。

答殷無美

昨承足下見示君典學士書。知不以不肖而棄之。且許春時垂訪海上。甚感。足下道君典新築。所謂伊人。宛在水中央。令人灑然如夢醒。記僕副山東憲時。故吳中丞峻伯為學憲。嘗與諸賢酒間戲言志。峻伯謂宦轍不必中土。即滇蜀閩廣。須盡歷之。飽其山川風物。最後亦須坐尚書省。押尺一。乃告老耳。僕謂鄙願不及此。願得二頃陂。四圍列植梧竹。垂揚芙蓉之屬。陂中養魚數千頭。中構一島。築高閣三間。其下左室貯書籍。及金石古文。



右室盡貯美酒。傍一小室。具茶竈。瀹釜魚。畜少鮭。脯介菜。閣上一榻。兩几。讀書小倦。即呼酒。數行。醉輒假息。息傍。維兩蜻蜓。艇客有問。竒善觴咏者。以一艇載之。來一艇。網魚佐酒。不問朝夕。飲倦。則相對隱几。興盡。便復載去。若俗客見撓者。雖叫呼。竟日了。不酌。應以此終身。足矣。峻伯問。誰可當俗客。僕謂坐尚書省。押尺一者。公即是也。衆大噱笑。而罷。峻伯謝貴州節歸。病死。竟不得如頭。而僕幸有園林山池之屬。然在都市中。自貴游。以至田父野孺。皆得狎之。不能拒也。不意君典一詣。便爾第聞其垂橐。恐不能究。僕語中境。且朝望甫殷。寧容於東。

山坐嘯耶。

與楊襄陽

張羽玉落魄。可憫金陵之行。或足少暢鬱悒。第一觴。一咏間。不無又樹矛戟。如何如何。秋氣向深。加餐自愛。



上東園鎮國

汪道昆

昔以狂簡居郡。王公往往折節下之。乃若相與綢繆。宜  
莫如殿下去郡五稔。未嘗一日忘舊遊。而相念之深。亦  
莫如殿下。自林經歷行後。閩事幾不可為。賴宗廟社稷  
之靈。始得因人成事。頃承節鉞之命。誠自知其不堪。竊  
計殿下聞之。亦且為某作苦矣。汪生持書至。纒纒皆肺  
腑之言。手誦再三。幾而泣下。比年露衣蓐食。勞苦萬端。  
時而隱几。時而枕戈。騷然浮白。高堂歌舞。進。遽。遽。然  
覺猶在矢石之下。烽火之間。嗟乎。糜廩常聚。鳴鳥相求。  
生人之情。各有所急。徒以羈縻祿位。隔閉封疆。遂乃捐



石交遺樂事。即歧行卵化。不猶賢乎。越在南溟。飄風萬里。獨不能自致。扶搖之上。搏江漢而下之憾也。部中少年。幸俱無恙。今所供奉。必多新聲。倘戀戀故人。無忘下里。則歌雅一闋。庶乎想見其人。高陽酒徒。不改故態。知殿下不以敝帚棄之也。私布腹心。語費意煩。不能盡其什一。天休滋至。願言祇承。幸甚。

答塗中丞

歲云莫矣。方與昆蟲墮戶以居。又受命嚴君。謝賓客。斷杯酒。日惟坐方丈室。挾策讀書。飯罷則鼓腹而游。游倦則據梧而瞑。此山人之大較也。使命遠至。灑然攝衣拜

之感懷百端。別楮悉其一二。

答江民璞

今之筭者塞路。乃公以古瑟鳴。始奏雲門。聞者傾耳。即有三嘆。不惜再彈。公無遂休。恐令知音怏怏耳。某因人成事。謬為舉肥者物色之。簡書畏人。義無所避。端居飽食。徒充不肖之軀。乃若振急持危。心與髮俱短矣。來書覩縷。尚多溢喜之言。非至教也。



與友

謝榛

未○得○乘○月○蕩○橈○訪○足○下○武○陵○溪○上○恐○桃○花○流○水○相○與○笑○  
之○足○下○不○棄○其○鄙○過○我○洲○前○烹○鮮○酌○醕○停○危○待○月○酒○酣○  
耳○熱○箕○踞○放○歌○至○於○白○雪○彈○棋○清○燈○對○榻○款○談○深○語○此○  
情○千○古○矣○

報鄭生

卧○病○江○干○頻○得○故○人○來○訊○雨○中○連○榻○花○下○飛○觴○進○艇○長○  
波○散○髮○弄○月○紫○簫○玉○笛○颯○起○中○流○白○露○可○餐○天○河○在○袖○  
此○人○間○至○勝○僕○得○與○故○人○共○之○



奉總制喻公

徐中行

某不肖無足比數。頃辱廣度魚容。降尊隆禮。躡踰平生。鄙人誦義。何有窮時。第以困簿書。致稽馳謝。深自耿悚。茲更辱長者不加鄙奪。而特賜獎借。此又國士之遇。知己之恩也。不知某何幸而得此於門下哉。恭諭石畫。鴻猷卓越。海內開府。崇朝山川改色。運奇制勝。動中機宜。蓋無異操箠破竹。而威行萬里矣。即昔之空漠北而犁庭者。詎足方此。此又朝野所共踴躍。而非某之私忭也。因勉撰鏡歌十首。敬上轅門。伏惟大雅裁教。



報姜使君

宗臣

侍宴彌日。豁我神情。輒飄然有凌雲氣。視世界之束纓。皓冕顛顛。其形者星淵矣。重使夜臨。奉教增悚。使君期我於風塵之外。復講人世縛文何哉。臚儀拜命以謝。君意若塗役。則群公有貺命矣。復受茲直。將安置乎。輒因使者反報。其感愛與受均也。

報徐丈

還廬累歲。數承顏色。高樓賜宴。款洽中宵。長者之愛僕。何深也。鼓柁長淮。便隔千里。言念高誼。渺若河山。一行作吏。百苦相攻。遠憶青門。行吟軫慨。向公語我。以年少



功名不可坐擲。用是幡然。乃今轉覺巖棲獨勝耳。俾歸寸楮。代謝春氣。將落赫暑。乘之強餐。自愛遠人增慰。

復卜子定

歸樵三載。足下不忘昔好。時携一卮而問之。願僕所以報之者。尋來寸往也。歲暮告別。又辱走書。召我賜之飲。食停杯深語。鬢鬢昔遊。意氣不殊。容鬢各別。彼此黯然矣。

與瓊州陳郡丞

吳國倫

一海南北。良晤天阻。猶幸書郵不甚梗耳。海氛未淨。列郡茹荼。野哭之聲。比似盈耳。鄙人以庸劣當之。即卧薪嘗膽。祇可自竭其情。殊於瘡痍無補耳。漢制謂太守攝戎事者為郡將。今有郡之名。而無兵可將。其勢何異於覆釜炊糜。引肘書字乎。乃復責其糜之不旨。字之不工。則難之難者也。執事抱經世大畧。久處海邦。釜魚几肉。坐計之矣。來諭種種。石畫鄙意亦偶相同。古人謂受降如受敵。蓋慎之也。頃奉軍府檄下。飛艘且至。底定有期。使列郡無有功之名。而百姓陰受其賜。上願也。戒嚴靜



侯。一一如來旨。惟不吝嗣教。

復王子薦中丞

弟自別公京邸。蓋八年無一青瑣夢。今偶以使事入。有如野人適市。結束既告。見人輒自講張。且步武諸少年。顧非其侶。徘徊今昔。益念別公時景象。恍忽隔世矣。此中望轅門。不踰二百里。不當斯一趨造。而未免於拘繫。則吏態也。非人情也。屬朝謁方劇。而陳留湯薄。以齋餉赴邊。因托之為書。郵聊道其耿耿如此。諸當嗣致。

與吳憲副

樊籠得脫。性益疎縱。望城市如馬避煙。見衣冠如鹿踏阱。秋氣早清。當獨造西湖禪林。期握手共日。



王汝明吏部

王世懋

浮梁張令來致吾文書幣祇領披誦具悉故人高誼一行作吏奔命日不暇給在饒二月事端未定不敢輒附報訊茲返南康偶有歸人之便輒令代泥首以謝自星變以來陵谷日異人情洶洶弟雖賴庇苟全然譬之日斜霾起江中陡起風浪而弟以破舟折棹簸蕩其間茫無收泊仰視茂林脩竹中掩關高卧神仙其為健羨何可言道不知有日到岸容一叩圓扁否弟恐東山望重投鼻不免又使歸人悵悵靡依耳

答朱秉啟



足下損書及詩披函發箴快讀數過。是何瓌麗纏綿之  
至此也。弟入山不深。竟為人所物色。國恩至再。遂不得  
辭。涉世漸深。疲於吏道。精氣內虧。形觀外敝。每一覽鏡。  
鬚鬢皤然。雖人理必至。怪其驅使先期。未嘗不擲鏡而  
嘆也。病夫東望。每愁不得生還。何幸乃辱柱後。惠文彈  
事。竟得移病。明當發矣。冗極不及道他言。至於近事。亦  
不敢言。言外丁寧。杜門加飧而已。

與周翼亭

王錫爵

古人窮愁中念一命字。百障皆空。今吾丈胸中。何擾擾  
減倉之多也。生亦頗知事之顛末。安知造物者不借舌  
相困。又安知此輩不還着本身。又安知吾丈今日之困  
不為異日之福。已矣。勿復言矣。

明人尺牘選卷第二

同學趙廷琰閻玉校



。助入尺牘卷二

五七





